

Mas facil pa controla proximidad di Horcan...

Posibilidad cu Hurricane Hunters por staciona na Aruba y Antiyas

ORANJESTAD (AAN): Pa ricibi datonan encuanto de-saroyo di sistemanan durante temporada di horcan, Na-

tional Hurricane Center di Merca ta haci uso di e asina yama "Hurricane Hunters".

cu ta bula drenta den e sistemanan pa asina adkiri datonan valioso. Segun informacion, tin discusion andando cu awor cu Guarda Costa Mericano ta estaciona na Aruba y Antiyas un "Hurricane Hunter" por worde staciona na e islanan aki tambe.

Informantenan a bisa DIARIO cu Merca tabata haci uso di Antigua, Barbados y St. Croix pa staciona Hurricane Hunters. National Hurricane Center na prome lugar tin e tarea di vigila sistemanan tropical cu por bira horcan y forma menaza pa teritorionan Mericano. Den transcurso di tempo, National Hurricane Center a bira e pronosticador pa e region Caribense y Latino Americano, cu cual tin cooperacion optimal. Hasta ta asina cu aña pasa un miembro di Servicio Meteorologico di Aruba y Antiyas a bay labora pa un temporada na National Hurricane Center.

Durante ultimo añanan,

Merca lo no ta haci uso mas di Antigua mientras cu aña pasa Barbados, aunke siendo e isla mas oriental den Caribe, tambe a stop di funciona como lugar di stacionamento di Hurricane Hunters, cu tabata lanta y regresa na St. Croix y na Miami.

Cu e presencia di Guarda Costa Mericano na Aruba y Antiyas, aparentemente e posibilidad pa e avionnan bin staciona na e islanan aki, cu ta worde maneha pa Servicio Meteorologico di Aruba y Antiyas, tambe ta na discusion. Segun informantenan te ainda nada concreto a worde anuncia pero e posibilidad tey cu Merca lo por dicidi pa staciona e avionnan na e islanan aki.

Di e forma aki informacionnan valioso encuanto sistemanan tropical ta alcanza e islanan aki cu mas rapidéz.

E Hurricane Hunters ta avion specialmente modifica cu ta worde usa pa averigua condicionnan den sistemanan

tropical na momento cu e peligro ta existi cu nan potencial pa bira un tormenta of horcan. Especialmente ora e sistemanan ta riba laman, Hurricane Hunters por duna informacion exacto encuanto e presionnan cu ta worde midi, velocidad di biento y tur otro circunstancia cu ta duna informacion encuanto e sistemanan.

Pesey por socede cu ora Hurricane Hunters drenta un sistema, e wowo di e sistemanan ta worde realoca, ya cu prome cu Hurricane Hunters drenta ta a base di calculacionnan cientifico ta yega na dato.

E presion den un sistema tropical ta sumamente importante, ya cu caida di presion ta nifica intensificacion. Mas abao e presion ta, mas intenso e tormenta of horcan lo ta.

Informantenan a bisa cu e asunto aki ta den fase di discusion y cu ta e presencia di Guardacosta Mericano na Aruba y Antiyas a genera e posibilidad aki.

Paga tino cu juice "Curativo"

Juice mezcla ta worde bendi como original!

Consumidornan ta nota e diferencia:

ORANJESTAD (AAN) -- Pa varios siman caba DIARIO ta hayando reaccion di hendenan cu ta usando un juice natural, cu tin propiedadnan curativo, segun experiencia cu diferente hende a constata. Pero despues cu e "extracto" original a subi mercado, direpente otro tipo di juice cu mesun nomber a worde ofreci na diferente caminda, pa un prijs mas abao.

Varios consumidor, y specialmente esnan cu ta kere fielmente den remedi di tera, a cambia pa spaar mas of menos 20 florin pa boter. Pero e experiencia cu e juice cu ta mezcla cu juice di guyaba no a resulta di e bon ey, ya cu e juice aki despues di un par di cu e boter worde habri, maske cu bo tine den frishider ta fermenta y dañá hopi lige. Ora e juice ta dañá y su holo ta cambia, envez di haci e persona bon ta produci molester di stoma.

Tin algun persona cu a busca informacion tocante e juice mezcla, cu ta worde procesa na Puerto Rico, y asina nan a bin constata cu aunque e tin e fruta cu tin propiedadnan curativo, e ta worde mezcla cu guyaba, entre otro, pa rindi'e mas y por exporte na un prijs mas economico.

Sinembargo esun original ta e extracto, cu ta manera un viña y ta bin den boter plastic y su instruccionnan.

Esun original tin boticanan cu ta bende pa 95 florin, y tin cu ta bende pa 120 florin, pero ta mesun producto e ta. Pues ta keda na cada consumidor cu ta use busca unda por haye na

mehor prijs, pasobra lamentablemente boticarionan ta liber pa pone ki prijs cu nan kier riba producto, y esaki ta haci e diferencia. DIARIO tin entendi cu tin hende particular tambe ta importa e juice y ta bende pa 100 florin.

Pero loke ta mas importante ainda ta pa cumpra e producto original ya cu tene salud bon no tin prijs, pero esaki ta e extracto sin mezcla aden, y cu no tin sucu agrega (e otro tin 3% di sucu). Al fin y al cabo ta preferible paga un tiki mas pero usa esun cu berdaderamente por yuda bo salud.

ARUBA NIEEETT SLAAAAPEN!!



TELEFONNAN
DI DIARIO
826747
FAX
828551